

رسالة الكبريت الحمر

المحرّره

شرکت مرتبیه مطبعه می

۱۳۳۰

بسم الله الرحمن الرحيم

کافه حمد و ثنا : بوتون مخلوقات و ممکناتی ربوبیت شامله سیله دائماً و أبداً تربیه ایلینره کد قایلینری داخلنده هر نوع کاله مظهر ایدن الله تعالییه مخصوص و راجعدر .

کافه صلاه و سلام : بوتون مخلوقات و ممکناتک افضلی و اکملی، انبیاء و مرسلینک امام و خاتمی؛ الله تعالی نک محبوب و حبیبی حضرت محمد المصطفیانک روح مقدسنه احرا و عائددر .

کافه رحمت و رضای الهیه نک؛ بوتون آل و اصحاب رسول الله و انلرک اثری اوزره کیدن و الی یوم القیام کیده جک اولان امت مرحومه محمدیه اوزرینه بلا انقطاع لاق و فائض اولسی فضل و عنایت حقندن مرجو و مسئولدر .



بوندن صکره معلوملری اولسون که: (الله) اسم جلالی؛ اسم الذات ، مستجمع جمیع اسماء و صفاتدر . مسمای جلیلی : ذات احدیتدر . انکچون: بر کیمشه رحمان کیمدر؟ .. دنیاسه الله در؛ قهار کیمدر؟ .. دنیسه الله در؛ جلیل کیمدر؟ .. دنیسه الله در؛ جبار کیمدر؟ .. دنیسه الله در؛ جوابی ویرر... (جل جلاله و عم نواله و لا اله غیره) .

ذات باری یی اسم ذات و جلالی ایله ذکر ایدن، کأنه آنی غیرمتناهی اسماء و صفات جلال و جمالی ایله ذکر ایتمش؛ اجمالاً بوتون اسماء و صفات حقله ذکر دن متحصل فضائل و فواضله نائلیت حاصل ایلش اولور .

بواسطه مبنی : معاملات ذاتیه ایله مشغول اولانلر ، معاملات اسمائیه و صفاتیه ایله مشغول اولانلرک حاصل ایده جکری ثمرات و نتایجی بفضل الله اُله ایدرلر .

فقط : معاملات اسمائیه و صفاتیه ایله مشغول اولانلر ، معاملات ذاتیه ایله مشغول اولانلرک حاصل ایده جکری ثمرات و نتایج ذاتیه بی تحصیل ایلمه مزملر .

شو محمل تقریردنده منفهم اوله جنی وجهله : اسم ذات و جلال ایله اشتغال ؛ اسم ذات ایله سلوک و تسلیک طریقی ، بو طریقک مرشد و مسلکرینک شانی جلیل و عظیمدر .

انکچون : بو طریق اکبری ، طرق سائر اکبری کی ضمیمه هر نه قدر فوائد کثیره مقصود اولمده - سلوک و تسلیکده اوله کلمه توحید ؛ صکره اسم ذاته ؛ صکره اسم (هو) به بعد الار تقا صفته تنزل ایده رک (حق ، حی ، قیوم ، قهار) کی اسماء حسنا ایله مشغول اولملر . و ذروه دن حسیضه اینمک یولنی تمقیب ایتملر . بلکه : بدایتده طالبک قصد و توجهنی احداث ذاته توجیه ایلمه رک کعبه مقصودی ذات احداث مجرده قیلارلر .

✱

بو اکبرک کلمه نفی و اثبات ایله اشتغال و اشتغال اثناسنده کی قصد و نیتلری ده ماسوای ذاتک نفینه محصور ؛ ذات احداثک اثباتنه مقصوددر .

✱

حقیقت امر بویله اولونجه : هر طالب ذات حق ایچون سادات جلیله من عندنده معمول و معهود اولان ذکر اسم ذات ایله اشتغالک کیفیتنی کوزل بیلمک ؛ شغلنی - امر اولندیغنی وقت - آکا کوره ایفا اینلک لازمدر .

اسم ذات ایله مشغول اوله نك کیفیتي

طالب : خالی و طاهر بر مکانده اوطورور ؛ کوزلرینی یوموب آغزینی قبایه رق دیلنی داماغنه الصاق ایدر. استغفار ایله قلبی خواطر و ماسوادن خالی قیلار؛ بو خصوصده مرشدینه رابطۀ محبتله رابطۀ ایلیه رك روحانیتندن استمداد ایلر. (که: بو استمداد خاص، مرشدی واسطه سیله بوتون ارواح سلسلۀ ساداته و روحانیت مقدسۀ محمدیه و حق سبحانه و تعالیٰ به راجع و منتهیدر.) بعده : صول نمۀ سنك ایکی پارمق اشاغیسنده اولان، قلب حقیقینك آشیانۀ خاصی مقامنده بولنان مضغۀ قلبیه صنوبریسنه و آندن حقیقت جامعۀ قلبیه سنه بتون قوا و حواسیله متوجه اوله رق (كرك مضغۀ قلبیه و كرك حقیقت قلبیه به بر شكل و صورت و یرمكسزین، قلبك ضرباتی ایله و انفاسك دخول و خروجی ایله علاقه دار ایتدیرمكسزین، داماغه ملتصق اولان دیلنی ده هیچ بر صورتله حرکت ایتدیرمكسزین) قلباً الله، الله، الله، ذکرینه مأمور و مأذون اولدوغی وجهله دوام ایلر؛ الله اسم جلیلی مسما سنك ذات احدیت اولدوغنی ملاحظه ایدر؛ بر چوق فوائد ایچون ایکی قاش سنك اراسندن بر زنجیر نورانی بی ده قلبنه مد ایتمش بولنور.

اثنای ذکرده طاقت و قدرتی نسبتنده قلبنه خواطر و ماسوانك ورود و دخوانه مانع اولور؛ شاید قابنه ماسوا و خواطر وارد و داخل اولورسه یوقاریده یازیلی رابطۀ و استمداد ایله انلری دفع ایتدکدنصکره تکرار ذکره باشلار. هر حالدۀ ذکر ای امکانك تحمیلی درجه سننده خاطره سز و حضور ایله یامغه چالیشیر.

اگر شرائط مذکوره وجهله یاپیلیرسه نتایجی حصوله کلکه باشلیه رق علی

التوالی والتدریج (عدم و وجود عدم) تعبیر ایدیلان ذهول و غیبت وجهت
جذبته نك فنا و بقای حصول بولور. و (واذكر ربك اذا نسيت) آیت
کریمه سنك ناطق اولدوغی اسرار یوز کوستر؛ و (یوم لا ینفع مال ولا بنون
الامن اتی الله بقلب سلیم) نص قرآنی سنك مشعر بولندی فی فنا و سلامت
قلب دولتی ایله مشرفیت تحقق ایدرکه: بوتون مافوق کالات و سعاداتک تم
و اساسی بو فنا و سلامت قاید. انسانلر ایچون انفاس اخیره ده؛ بتون
نشئه آخرته بوندن بشقه منفعت حقیقه و اساسیه و یرده جک بر شی یوقدر.
ایشته ذکر اللهک اک اقدم و ایلك اساسلی ثمره و نتیجه سی بودر.

★

لطیفه قلبک علامت تصفیہ سی، نورینک ظهوریدر. نور قلب صاریدر.
قلب، آدم علیه السلام ک قدمیدر. قرب و لایتی ده آدم علیه السلام ک قرب
و ولایتیه مناسبت طوتار. آشاغیده لطائفه متعلق معارف خاصه مذکور
اوله جقدر.

لطائف انواری هر سالک ایچون مطلقا ظهور ایتک لازم و شرط
دکدر. تصفیہ یی بیلدیره جک بشقه علامتار واردر.

★

لطیفه قلب تصفیہ اولونجه کندی اصله رجوع و وصول حاصل ایدر.
آنک اصلی مافوق العرش اولان عالم امرده در. بوعالمه وطن اصلی، عالم لامکانی،
عالم ارواح، عالم ملکوت دخی دیرلر. زیرا: جناب حق ارواح انسانیه یی
خلق استدکده استعداد ازلی، قابلیت شخصیه لیله متناسب اوله رق
آنلری عالم امرده کی وطن اصلی و حیز معنوی لینه اقامه بیوزمش، بومقام قدسی
وانسده بی نهایت تجلیات ربانیه سنه مظهر ایندکدن صکره عالم خلقه، تا اسفل
السافلین اولان مرکز خاکه رد و تنزیل ایلشدر. بناءً علیه: هر کسک

جسده منسوب لطائف عالم امرينك اصلى [يكديكرندن مافوق اوله رق، اعظم و الطف بولنه رق] عالم امرده بش طبقه و مقام طوتار . برنجي طبقه و عالم : قلب لطيفه سنه ؛ ايكنجي روح ؛ اوچنجي : سر ؛ دردنجي : خفي ؛ يشنجي : اخفي لطيفه سنه مخصوص طبقه و عالمي تشكيل ايدر .

قلب لطيفه سي تصفيه اولندقدن صوكره ذكرك ديكر لطيفه لر اوزرنده طرز اجرا و تصفيه سي كيفيتي مرشد تقدير ايدر . ايفاسي ايجاب ايدن ديكر امور و خصوصي بيلديرر .



لطيفه قلب اصلنده حصول فنا و بقادن صوكره ايكنجي طبقه ؛ يعني طبقه روحيه ارتقا ايله رك بوراده فنا و بقا حصوله كتيرر ؛ بعده طبقه سرييه ؛ بعده خفي طبقه و عالمنه ؛ بعده : اخفي طبقه و عالمنه انتقال و ارتقا ايدر كل هر برنده قاني و باقي اولدقدن صوكره دائره امكان سيري ني تماملار .

ديكر لر ده آيري آيري بويه سير ايدر . [زيرا متوجهان ذات احديت ايجون لطيفه قلب كي هر لطيفه نك بوسورتله آيري آيري مافوق عالم و طبقه اولان سير و عروجي انجامه رسیده ايله رك دائره امكاني بعده دائره ظلالی ؛ بعده دائره اصولی ؛ بعده على الدرجات ^{ساحه} عروجی داخلنده كي مقاماتی قطع و طی ايتمی لازمدر . چونكه : لطائف عالم امر و خلق انسانی ايجون ذات احديته ^{sāhrāh} شاهراه بويه در . بو مقامات آشاغیده ايضاح اولنه جقدر] .

دائره امكان : مركز خاكدن عرش اعلايه و عرش اعلادن لطيفه اخفي طبقه و عالمنك منتهاسنه قدر اولان طبقه لر و عالمر دركه : عرشدن مركز خاكه قدر اولان قسمنه دائره امكانك نصف سافلی ؛ ينه عرشدن اخفي عالمنك نقطه منتهاسنه قدر اولان قسمنه دائره امكانك قسم عاليسي دينور . كرك مكاني و مادی ^{ma'adī} و كرك لامكاني و غير مادی اولان بو عالمر ك هيت مجموعهي مخلوقات الهیه عالمر ايدر . بونكه برابر : ارضه نسبتله برنجي قات سما و محتواسی

الطف و اشرف قدر. برنجی قات سمایه نسبتله ایکنجی؛ ایکنجی به نسبتله
 اوچنجی؛ اوچنجی به نسبتله دردنجی؛ دردنجی به نسبتله بشنجی؛ بشنجی به
 نسبتله آلتنجی؛ آلتنجی به نسبتله یدنجی؛ یدنجی به نسبتله کرسی و عوالم
 کرسی؛ کرسی به نسبتله عرش اعلا و عوالم عرش [جنت و جهنم داخل
 دائره عرشدر] اعظم، اشرف، اوسع، الطف، اجلدر. و هر ماتحت عالم،
 مافوق عالمه نسبتله کونشدن بر ذره، دریادن بر قطره کبیدر. *muhtalaf*

عالم امر و لامکانی و ارواح و ملکوتک عرش اعظمه نسبتی و بو عالم
 امرده موجود طبقات تحتانیه نک فوقانیه نسبتی دخی آنف الذکر اولان
 نسبت اعظمیت و الطفیت و اشرفیتک؛ اوسعیت و اجلیتک عینی در.
ecilliyet ★

فقط: مستوای حضرت رحمان اولان عرش اعلا؛ عالم امر ایله عالم خلق
 اراسنده برزخیت کبرایی حائر و ایکی طرفک احکام عمومیه سنه محل ظهور
 اتم و مرآت اکمل و اعظم اولدوغندن عالمده مثلی بولنیاں بر حقیقت جامعه
 و خاصیت تمایزه نک صاحبی در. بو خصائص؛ اولو الالبابه عرش الله اعظمک
 شان علیاسنی بیلدیرر. ایشته عرش اعلی نک عالم کبیرده موقعی بویله در.

★

مرکز خاکدن دائره اخقانک منتهاسنه، و دائره ظلال اسماء و صفات
 مولانک مبدائنه قدر اولان عوالمک هیئت مجموعه سنه عالم کبیر دیرلر. کائنات
 اشبو عالم کبیردن عبارتدر.

ایمدی: (ولقد کرمانا بنی آدم...) آیت کریمه سی مقتضاسنجه تکریم
 الهی به مظهر اولان انسانک دخی عالم کبیرده موجود هر شیئک آنمودجی
 جامع و حاوی بر عالم صغیر اولدینی بیلنملیدر. زیرا: انسانک طبقات وجودی،
 أرضله سبع سماواتک؛ دماغی، کرسی نک؛ قلبی، عرش اعلا نک؛ جسده منسوب

لطائف عالم امری، عالم امرده کی اصول لطائف طبقات وعوالمک انمودجاتیندر. انکچون نمونه عرش اولان لطیفه قلبیه انسانیه؛ لطیفه جامعه، حقیقت جامعه دیشلردر. عرش اعلا ایله عرش قلبینک سعه لری، یکدیگرینه نسبتله اولان افضلیت و اشرفیتلری مسئله سی مسائل عظیمه و غامضه دندر. بوراده انلرک بحنی غیر مقصود اولقله تحقیق و تفصیلی دیگر ائرلریمزک مطالعه سنه حواله ایدلشدرد.



دائرة امکانک دیگر تعبیر ایله عالم کبیرک یکدیگرینی محیط اولان و عقل معاش ایله قاورانمی غیر قابل بولنان اوسعیت، انوریت، ألطفیت، أعظمیت، أجلیت امکانیه سی حدودی نهایت بولدقن صوکره دائرة وجوب - ظلیت حالنده - باشلار.

دائرة وجوبک ایضاحنه باشلانمازدن اول، عقل معاشله دائرة امکانک قاورانمی نه ایچون غیر قابل اولدوغنی استطراد صورتنده برآز ایضاحه جالیشلم.

[استطراد: هراهل علم و هیئتک معلوم و مسلمی بولندیغی اوزره، عالم کبیرک دنیا مزی محیط اولان برنجی قات سما سنک حدود وسعت و عظمتی، هنوز تحدید و تعیین ایدیه مامشدر؛ بو فضاء عظیم ایچنده حرکت محوریه و محرکیه لرینی بر دقیقه اولسون اخلاالایتمه ن لایعد ولایخصی اجرامک کندی عالم لری ایله برابر زمرله دوغری نه قدر زماندنبری، افضل بر سبب و علتیه مبنی سیر و سبج ایتدک لری هنوز تثبیت و تقریر اولنه مامشدر. أجرام سماویه محتوالرینک، نه لردن عبارت ایدوکی، اوزرلرنده کیملرک مسکون بولندیغی هنوز بیلنه مه مشدر. اجرام عالم لری نک یکدیگرینه قارشی اولان عمومی و خصوصی تأثیرات جلیه و خفیه لری هنوز تقدیر ایدیه مامشدر.

ارضمره يقين بعض سیارات و ثوابتك سرعت ضیا مقیاسیله قرب و بعدلری
 اولچولاش ایسه ده؛ بوکا مقابل ثانیه ده ۳۰۰ ۰۰۰ کیلومتره لك عظیم بر مسافه
 قطع ایدن ضیا سرعتیله بیکلرجه، اون بیکلرجه، یوز بیکلرجه بلکه: ملیون
 و میلیار لرجه سنه، ضیاسی هنوز ارضمره واصل اولمیان اجرام بولندیغی؛
 بشرک حوصله سنه صیفمیان مسافه اولچو و مقیاسی و ارقامی خارجنده کی
 بعدلر ده صایبسر، حسابسر أجرامک موجودیتی آکلاشلمش؛ بو عظمت وله
 انکیز قارشو سنده عقل معاش، لاشیء محض اولدیغی آکلایه رق دها برنجی
 قات سایه، فضای نامتناهی دیمک مجبوریتنده قالمش؛ آنی محیط اولان و کندی
 وسعت و عظمتی یاننده برنجی قات سما و محتواسی خردل دانه سی اولمیان
 ایکنجی قات سما حقنده پک بدیهی اوله رق بر علم ایدینه مه مش؛ ایدینسنده
 مجال تصویری و امکان هنوز مفقود بولنمشدر .

★

ارباب فکرت و فطنتک؛ عقل معاشی نور معاده دوغری یوکسلده رک
 بوراده براز توقفله: ایکنجی، اوچنجی، دردنجی، بشنجی، آلتنجی، یدنجی
 قات سمواتک وسعت و عظمتک نه اولسی لازم کله جکینی دوشونمسی؛ بعده:
 (وسع کرسیه السموات والارض...) آیت کریمه سیله یدی قات سما و ارض
 کندی درونینده بر خردل دانه سی تشکیل ایتمه ن کرسینک عظمت و وسعتی
 تفکر ایتسی؛ صوکره: ارض، سبع سموات و کرسی ینه کندی دروننده
 بر ذره اولمیان و محیط کلیات و جزویات عالم اجسام بولنان عرش اعلانک
 درجه عظمتی تدبر و تأمل ایلمسی لازم و واجبدر .

★

دائرة امکانک نصف سافلنک عظمتی بویله اولنجه ینه دائرة امکانک
 نصف عالیدی اولان بوتون طبقات، محتوا، عالم لریله برابر ارواح، ملکوت،

لامکانی اسمیله موسوم عالم امرک عظمتنک؛ وخلق وامر عالمردن عبارت
عالم کیرک وله انکیز وحوصله سوز اعظمتنک نه اولسی لازم کلیر؟ بو عظمتی
قاورامق، احاطه ایتمک، نه اولدقلربی بیلمک و ادراک ایلمک شبهه سزدرکه:
عقل معاش ایچون ممکن سزدر.

مرکز خا کدن اعتباراً دائرة امکانک نهایتنه قدر اولان عوالمک هر
ما فوقده بولناتی، هر ماتحتده بولنانندن نصل اعظم و اوسع ایسه، یکدیگرینه
نظراً او نسبتدهده اشرف و الطفدر.

دائرة امکانک منتهاسنی تشکیل ایدن لطیفه اخفانک و مرتبه اخفانک
نورانیته ماتحتده اولانله نسبتله غیرقابل تصویر و تصور بر درجهدهدر.
چونکه: اخفا و مرتبه اخفا حق تعالی نک اسم و صفاتی ظلالی انوارینک غایه
تنزلات و تعیناتی مرتبه سنه اقریدر. بونکله برابر: لطیفه اخفانک و مرتبه
اخفانک غیرقابل تصویر و تصور اولان نورانیت مجرد و محضه سی، اسم
و صفات مولا ظلالنک لطافت و نورانیته قارشوسنده ظلمت مطلقه، کثافت
صرفه حالندهدر.

کذلک دائرة وجوبک هر ماتحت مقاماتنک نورانیت، عظمت و لطافتی ده
هر مافوق مقاماتنک لطافت، عظمت، نورانیته یاننده عینی حال و نسبتی حاردر!!!
جناب حقک اسم و صفاتی ظلالنک نورانیت و الطفیتی، عظمت و جلالتی
الطف و اعظم و اشرف مخلوقی یاننده بویه اولورسه؛ اصول اسم و صفاتنک
صفات حقیقه ثبوتیه و سلبیه سنک؛ اصل اصول صفات اولان شئونات
ذاتیه سنک اعظمت، الطفیت، اجلیتی نه اولق لازم کلیر.

صکره: اصول اسم و صفات؛ اعتبارات و شئونات ذاتیه سنک اصلی
و مداری اولان ذات احدیتنه عقل و فکر؛ علم و معرفت عجبا نصل یول
بولور؟



ایشته: بومقام و مرتبه علیاده [کمال قرب و معرفتدن بشقه برشی اولمیان]
جهل، حیرت، یأسدن بشقه برشی یوقدر. جناب مخبر صادقك [اللهم زدنی
تخیراً فیك] خبری بو حقیقتی ناطقدر.



شوجهت بیانمك لازمدرکه: رشخصه جناب حقك محض فضل و توفیق ^{Faiz mahz-i}
تعلق ایدنجه، او شخص اعمال صالحه و مرضیه مظهر اولورده عالم امر
و خالق انسانیسی، قطعی غیر ممکن کورینن سموات سبی؛ کرسی بی و عرش؛
مقامات عالم امری؛ دائرة اسما و صفات ظلال و اصولی؛ اصولك اصولك
اصولك اصولك اصولك رابطہ و جذبہ محبت ایلہ غیر قابل تصور برسرعتله
قطع و طی ایدرده بواموره خبری علمی بیلہ لاحق اولماز. زیرا جناب حق
واسع المغفرة و عظیم الرحمة در...؟

هانکی سالك بو مقامات کونیہ و الهیہ دن هانکیسنه ایرشمش ایسه او
مقامك واصلی عد اولنور. ظلال و اصول اسما و صفاته واصل اولانله
نسبی واصل الی الله دیمك صحیحدر. فقط: اسم ذاتك دلالت ایتدیکی حضرت
ذاته واصل بی کیفی حاصل اتمه یئلره (علی الحقیقه) واصل الی الله دیمك صحیح
اولماز. بو منزله علیایه و وصول اصحابی، یوز ملیون اولیا ایچنده بر دانه
ظهور ایدرسه اللهك بوتون عالمله فضل عظیمی تشکیل ایدر.



مرکز خاکدن عرش اعلایه قدر اولان سیره، سیر آفاقی دیرلر. عرشدن
مافوقه اولان سیرده سیر انفسی تعبیر ایدرلر. سیر انفسینك کمالی دائرة
ظلالده، ولایت صفراده اولور. ولایت صفرائك مافوقنده کی سیرده سیر
انفسی دخی سیر آفاقی کی یولده قالور. [ختم استطراد]

دائرة وجوب

دائرة وجوبك مبدئي؛ دائرة امكانك منتهاسندن صكره باشلايان اسما وصفات الله ظلالی انوارينك غايه تنزلاتی نقطه سیدر. دائرة وجوب ظلی بورادن باشلار. دائرة ظلالك نهایتندن صكره ده دائرة اصول باشلار. اصولنك اصولی يكديكرينه ملحق اوله رق امر ذات حقه نهایت بولور. ذات تعالی: عوالم خلق وامری؛ اسما وصفات ظلال و اصولنی؛ اعتبارات وشئون ذاتیه بی احاطه ذاتیه بی کیفیه سی ایله محیطدر؟.. ذات حق ایچون حد ونهایت متصور ومعقول دكلدر.

ولایت صغرایه متعلق بعض معارف

معلوم اولمق لازمدرکه: پیغمبرلردن و ملکلردن غیری جمیع ممکناتک مبادی تعیناتی مریبسی، حقیقی، عین ثابته سی؛ اسما وصفات حق ظلالندن بر ظلدر. لطائفك ظله وصولی سیر الی اللهک نهایت بولسی؛ بو ظلمك اصلنه وصولی ده سیر فی اللهک باشلامش اولسی دیمکدر. سیر فی الله ولایت کبرایه وصولدن اعتباراً باشلار. سیر الی اللهک بر مقیاسی ده واردرکه: بو معنایه کوره سیر الی الله حضرت ذاته وصول بی کیفی حاصل ایتدیکجه تمام و صحیح اولماز. بو معنا ساداتک منظریدر. حقیقی سیر الی الله ایشته بودر. انبیا ایله ملکلرک مبادی تعیناتی ده اصول اسما وصفات حق تعالی در. آشاغی ده بحثی کجه جکدر.

لطیفه قلب ولایت صغری دائرة سنه وصولدن صكره کنندی اصل اصلنده و حقیقتنده فانی ومستهلک اولور؛ و اول حقیقت ایله بقا بولور. فانی قلب

ماسوايه اولان تعلق علمي وحيي ساحه سينه دن دور اولمق وقلبه اصلا خاطره ماسوا خطور ايتمه مكدرد. فناي قلب؛ تجليء افعال الهى نك حصوايله متحقق اولور. بو تجلي ايسه: ماسوا افعالي، حق تعالى افعالك آثارى كورمكدرد. سالكه بو مشاهده غالب كلدكده كندينك وجميع ممكناتك افعالى نظرندن مختفى اولور. بر فاعل حقيقيك فعلندن بشقه منظورى قالماز. سالك بومقام ومشهدده توحيد وجودى ايله مترنم اولور.

توحيد وجودى: ممكناتك وجوديني حقه دريائى وجودى امواجى كورمكدن عبارتدر. توحيد وجودى وسائر امور كثيره لطيفه قلبك سيرنده؛ ولايت صغرا ده اولور.

مقام انكشاف توحيد اولان ولايت صغرا دائره سنه قلب واصل اولمازدن اول كلمات توحيدى ايراده وحدت وجودى اعتقاد ايلك خلاف شريعتدر. سلوك ايله بومقام ومشهدده واصل اولميا نلرك مقلدلكه مراقبه توحيدى تخيل ايتلمى دنيا و آخرت خسارتندن بشقه بر شى زياده ايتمز. بو كى اعتقاد وتلقينانده بولنانلر هم ضال هم مضلدرلر.

احوال توحيدى حامل، وحدت وجوده قائل اولان صوفيه؛ وجود ايجون بش مرتبه اثبات ايدرلر. (لاهورت، حبروت، ملكوت، مثال، ملك مرتبه لرى) و اكا حضرات خمس تسميه ايلرلر. بو مراتب خمس نك هبسى تعميق نظر ايله فكر اولنسه ولايت صغرا دائره سننده داخل اوله رق مشهود اولور؟ ...

لطيفه قلبك ولايته آدم عليه السلامك ولايتى دينور. لطيفه روحك فناى: حقه صفات ثبوتيه سننده اولور. بو فنايه مظهر اولان سالك، صفاتى كندندن وجميع مخلوقاتدن مسلوب، حق تعالى يه منسوب كورر. بو لطيفه نك ولايته نوح و ابراهيم عليهما السلامك ولايتى ديرلر.

لطیفهٔ سرک فناسی: شئون ذاتیه الهیة اولور . بو مقامده سالک
کندی ذاتی ذات جقده مضمحل بولور. بو لطیفهٔ نک ولایتنه ده موسی
علیه السلامک ولایتی دیرلر.

★

لطیفهٔ خفینک فناسی: حق تعالیٰ نک صفات سلبیه سنده اولور. بو مقامده
سالک جناب کبریائی جمیع مظاهر دن تفرید ایدر . بو لطیفهٔ نک ولایتنه، عیسی
علیه السلامک ولایتی دیرلر .

★

لطیفهٔ اخفانک فناسی: شان جامع الهی مرتبه سنده اولور. بو مرتبه
علیا بتون مراتب مذکوریه محتویدر . بو مقامده سالک اخلاق الله ایله
متخلق اولور. بو لطیفهٔ نک ولایتنه ده ولایت محمدیه (ص.ع.) دینیر .
لطائف عالم امرک ولایاتی هب ولایت صفرا دائرة سنده حصوله کایر .
مع ذلک ؛ لطائف مذکوره بو حصولی وجوده کتیر دکن صکره ولایت
کبرانک دائرة اولی سنه قدر عروج ایدرلرکه ؛ آشاغیده ذکر ی کله جکدر .
اسرار لطائف چوق واسع و نازکدر .
لطائفک آیری آیری مراقبه لری واردر. مع هذا دائرة امکانه (مراقبه
احدیت) ایدیلور. ولایت صفرا ده ده (مراقبه معیت اولنور) .

★

شو جهت بیلنمیدرکه: هر لطیفه آیری آیری، ولایت کبرانک دائرة
اولی سنه قدر عروج و نزول ایتدیکی کبی، یالکز بر ویا بر قاج لطیفه ده عینی
عروج و نزولی یابارق صاحبی نسبی کمال و وصول اربابندن معدود اولور .
فقط: عموم لطائفک علی الدرجات صیره ایله منتظماً عروج و نزول، فنا و بقا
حاصل ایتسی، محمدی المشرب اولانلره مخصوصدر . محمدی المشرب اولمیانلر

عینی حال و کماله، بر وارث محمدینک وراثت و تبعیتی ایله ناثلیت حاصل ایدرلر. محمدی المشرب اولانلرک فطرتنده مایه محبوبیت واردر. بوتون مقاماتی قطع ایدرک حضرت ذاته وصول و قابلیت و استعداد اصحابی بونلردر. استعداد ازاینک حقنی بالفعل تحقق ایتدیرمه‌نک بر امر عظیم اولدوغی؛ بر وارث و تابع کمالک متبوعک هر نوع کالاتندن طفیلیتله نصیبه‌دار اوله‌جنی؛ بوصورتله استعدادی فوقنده‌کی کالاتله اتصاف ایده‌جکی نظر دقت و اعتبارده بولندیرلملیدر. ولایت صغریه تعلق ایدن معارف بوراده ختام بولدی.

ولایت کبرا

ولایت کبرا: اوج دائرة ایله بر قوسی متضمندر. برنجی دائره‌نک نصفندن (سیر اقریت و توحید شهودی) منکشف اولور. اشبو دائرة اولینک نصف سافلی (اسماء و صفات زائده‌یی) متضمندر؛ نصف عالیسی (شئونات ذاتیه‌یی) مشتملدر. بودائرة‌نک نقطه منتهاسنه قدر عالم امرک لطائف خمسسه عروج واقع اولور. بو دائرة اولی‌ده مورد فیض لطائف خمسسه ایله لطیفه نفسدر. بو دائرة‌ده (مراقبه اقریت) خیال ایدرلر.



دائرة اولی‌دن عروج و ارتقا واقع اولدقده، سیر ایکنجی دائرة اولان (دائرة اصل) ده اولور. ایکنجی دائرة‌دن ده عروج و ارتقا حصولنده سیر اوجنجی دائرة اولان (دائرة اصل الاصله) انتقال ایلر. بو مقامدن دخی عروج وقوعنده (قوس دائرة‌سنه) انتقال و ارتقا اولنور. بوصوک ایکجی بحق دائرة‌ده کمال استهلاک و اضمحلال حصوله کلور. زوال عین و اثر الویرر. حقیقت فنا و اطمینان میسر و متحقق اولور.

ولایت صغریه اولان فنا فنای قلب‌ایدی. مذکور فنالک صورتی ایدی زیرا: هر حقیقته آنحق صورتدن دوغری انتقال و ارتقا ایدیلور. بوصوک

ایکی بحق دائرہ میں فیض نفع کے سوا کچھ اندن (انا) ایلہ تعمیر ایڈر۔
 بو مقامہ شرح صدر حصولہ کلور۔ نفس آنحقیق بو مقامہ مطمئنہ اولور۔
 ومقام رضایہ ارتقا۔ ایلر کہ: ولایت کبرا مقامتک نہایتی در۔ بو مقامہ اسم
 الظاهر مراقبہ سنی خیال ایلر لر۔

بو مقامہ واصل و بو مقامدن راجع و نازل اولان اکابر، کمالیہ اہل
 ارشاد و دعوتدر۔ بتون اکابر ارباب ارشادک ولایت جہتندن اولان کمالاری
 بو مقامہ ثابت و متعیندر۔

ولایت علیا

ذکری مرور ابتدکی اوزرہ: ظلال اسماء و صفات، انبیا و ملائکہ تک غیری
 سائر خلایق مبادئ تعیناتی ایدی۔ دائرہ ظلال اسماء و صفاتک سیرینہ
 ولایت صفرا دینشدی۔ اصول اسماء و صفات و شئونات دخی انبیای کرامک
 مبادئ تعیناتی اولوب بو مرتبہ یہدہ ولایت کبرا اسمی ویرلش و اشبو
 دائرہ اصولہ داخل؛ ملائکہ کرامک مبادئ تعیناتی حائر اولان مرتبہ یہدہ
 ولایت علیا تعمیر ایدلمشدر۔

☆

ولایت صفرا و ولایت کبرانک سیرلری اسم الظاہرہ ایدی۔ ولایت علیا
 سیری اسم الباطنہ اولور۔ بو ولایتک اسرار و معارفی زیادہ سیلہ واجب
 الاستتاردر۔ اسم الظاهر سیرندہ ذات ملاحظہ ایدلمکسیرین۔ تجلیات صفاتیہ
 وارد اولور۔ اسم الباطن سیرندہ، ہر نہ قدر تجلیات اسمائہ و صفاتیہ وارد
 اولسہدہ، احیاناً ذات دخی - تجلی برق حالتہ - مشہود اولور۔ ولایت
 علیا اب گیدر؛ ولایت کبرا بو ولایتہ نسبتہ قشر کبیر۔ بورادہ مسمی

الباطن اولان ذاته مراقبه ايدرلر . بو دائره نك فيضى عناصر ثلاثيه وارد اولور . عنصر خاكدن ماعدا عناصر ثلاثه نك فنا و بقالري بو دائره ده حصوله كليز . بو مقام اربابي ملكرك قرب و ولايتنى حاز اولور .

كمالات ثلاثه: يعنى كمالات نبوت، كمالات رسالت،

كمالات اولى العزم

كمالات نبوت

كمالات نبوتك فيضى تجلى ذاتى دائمين عبارتدر . بو تجلى عنصر ترابه وارد اولور . بو مقامك معارفى، جميع معارفك فقدانيدر . بو مقامده نكارات حالات باطن ورنكسزلك و كيفيتسزلك نقد وقت اولور . بو مقامده ايمانيات وعقائد حقهيه استدلالك قوتى بداعت درجه سنده چيقار . بو مقامك معارفى شرايع انبيادر . بو مقام ونسبتك علو و وسعتى ياننده مقامات تحتانيه نك علو و وسعتى لاشى محض وضيق صرفيدر . بو مقامده فقدان و نكارات حالات باطن و ياش وراثت قصور بر درجه ده دركه؛ صاحب مقام كندينى كافر فرنكدن آچق گورر . بونكه برابر (حقيقت وصل عريان) بو مقامده حاصلدر . (وصل عريان كيتاب مرآته يازيليدر) .

بو مقام عليايه وصولدن اول اولان بتون وصلدر ، بو مقام جليلك وصلنه نسبتله دائره وهم و خيائنده داخل ائوب صو صورتنده سراب كبيدر . نشئه آب وصال آنى ماء زلال ظن ايتمشدر . بو مقامده رؤيته شبيه بر معامله عظيمه ميسر اولور . بو رؤيت مقامات ولايتده اولان مكاشفات و مشاهداتك ياننده رؤيت كبيدر . بو مقامده عالم امر لطائف لاشى محض اولور . كذلك: نظيفه نفس و عناصر ثلاثه دىخى بو مقامده ناجيزدر . بو مقامك معامله سى

آنحقی عنصر ترا به مخصوصدر . هر نه قدر سائر عناصر ایچون بو دولتدن نصیب اولسهده بو عنصر جلیله تبعیتلهدر .

✱

تجلی ذاتی، دائمی ده اوج مرتبه اثبات ایشلردر: بونک برنجی مرتبه سنه کالات نبوت؛ ایکنجی مرتبه سنه کالات رسالت؛ اوچنجی مرتبه سنه کالات اولی العزم دیشلردر . کالات نبوتک بعض احوال و اسراری یوقاریده مذکور اولمشدر .

کالات رسالت

کالات رسالت مقامنک فیضی، سالکک هیئت وحدانیه سنه وارد اولور . هیئت وحدانیه: عالم امر ایله عالم خلقک مجموعندن عبارتدرکه: انلرک هربری تصفیه و تزکیه بولدقدن صکره هیئت اخری پیدا ایدرلر ، بو هیئت وحدانیه، مقامات فوقانیهده حصوله کلهجک ترقینک اساس و مداریدر . کالات رسالت مقامنک مقام سابقه نسبتی لبات قشره نسبتی کبیدر .

کالات اولی العزم

کالات اولی العزم مقامنک فیضی، کمال علو و کثرت انوار ایله هیئت وحدانییه وارد اولور . بو مقامده مقطعات قرآنییه و متشابهات فرقانییه اسرارنی منکشف اولور . بعض اکبری، محب و محبوب ارسسند جریان ایدن اسرارده بو مقامده محرم قیلارلر . بو اسرارک بیانی حوصله بشره صیغماز . معامله باطن هیئت وحدانییه دوشدکده؛ (یعنی کالات رسالتدن بری) ترقی باطن محض تفضل ایله اولور: هیچ بر عموک انده مدخی قلماز . هر نه قدر جمیع مقاماتده فضل الهی اولمقسزین هیچ بر عمل ایله ترقی ممکن دکل ایهده فقط؛ اعمال اسباب کبیدر . بو مقامده اول اسبابک احلا دخی بولماز: هر نوع اذکار بولده قالور . بو مقامک ترقیاتی قرآن مجید واسطه سیله اولور .

کالات اولی العزمدن صکره سلوک ایکی جهته واقع اولور . مرشد هانکی جهتی اراده واختیار ایدرسه طالبی او طرفه تسلیک بیورر . بو ایکی جهتمدن بری حقایق الهیه؛ دیگرى حقایق انبیا شاهراهدر .

حقایق الهیه

حقایق الهیه: حقیقت کعبه معظمه؛ حقیقت قرآن مجید، حقیقت صلاتدن عبارتدر . حقیقت صلات مرتبه سنک مافوق (معبودیت صرف ذاتی) مقامیدر . بو مرتبه مقام وجوبدر . حقیقت صلات مرتبه سندن مافوقه سلوک قدمی یوقدر . ممکناتک سیر قدمیسی بو مقامده نهایت بولور . فقط بو مقامک نهایتنه واصل اولان اجله نك (معبودیت صرف ذاتی) مقامنده سیر نظریسی اولور . لکن: ابدالابادده واقع اوله جق سیر نظری ممکنات ، بر خطوه مور تشکیل ایتمز .

حقایق الهیه مقاماتنک هر برینی ایضاح ایتمک بر امر مشکل وعظیمدر . بوراده بو قدرله اکتفا اولندی . اللهک مراد بیوردینی زمانده ممکن اولدیغی قدر تفصیل وایضاح ایدیلور . شیمدیلک بو اموره ایمان ایتمک کافیدر .

حقایق انبیاء

حقایق انبیاء: حقیقت ابراهیمیه ، حقیقت موسویه ، حقیقت محمدیه ، حقیقت احمدیه ، حب صرف ذاتی مقاماتندن عبارتدر . (حب صرف ذاتی) مقامنک فوفی : مرتبه وجوب ، مرتبه لاتعین ، مرتبه اطلاقدر . حقیقتده حقیقت محمدیه (حب صرف ذاتی) مرتبه سیدر . بو مرتبه علیایه حقیقت الحقایق دخی دیرلر . لاتعین ایله متعین اولان مقام جلیله اقرب اولان مقام بودر .

حب صرف ذاتی مقامنده ، معبودیت صرف ذاتی مقامنده اولدیغی کی

سیر قدمی نهایتہ ایرر. بو مقامک نہایتہ واصل اولان اکابرک مرتبہ لاتعین
اطلاقہ سیر نظریسی اولور. لیکن ابدالابادده واقع اوله جق سیر نظری
مخلوقات، بر نقطه تشکیل ایتمز.

حقایق انبیا مقاماتنک هر برینی ایضاح ایتمک دخی بر امر صعب
عظیمدر. بوراده بو قدرله اکتفا اولندی. اناہات مراد بیوردینی زمانده
نابل اولدینی قدر تفصیل وایضاح ایدیور: شیمدیلاک بوامورہ ایمان کافیدر.
سیر قدمی، سیر نظری تعبیرلرینک استعمالی میدان عبارتک ضیق
ولستنددر. زیرا: مرتبہ وجودہ نہ قدمک نده نظریکنجایشی اولوق
خالدر. بو اموروی بوامور معظمه و اصلینک غیرہ بیان امکانسزدر. ذائقندن
اعداسی ایچون معرفت ودرکی غیرممکندر. مولای متعال بودولترله هر کسی
شرف بیورسون، آمین.

والحمد لله اولاً و آخراً والصلوة والسلام علی رسولنا محمد دائماً و سرمداً
علی آلہ و اصحابہ اجمعین الطیبین الطامعین.

رَسَالَةُ الْكَبِيرِ عَلَوِي
وَمَعْرِفَت

الْمُحَرَّرَةِ

رَسَّالُ الْكَسْبِ عَلَوِي
وَمَعْرِفَت

لِحُرِّهِ

اعوذ بالله من الشیطان الرجیم بسم الله الرحمن الرحیم

کافه حمد و ثنا: واحد و احد، فرد و صمد اولان مولای متعاله مخصوصدر.
 هر نوع صلاة و سلام، مظهر احکام اسماء و صفات و ذات اقدس خدا اولان
 سیدنا و نبینا حضرت محمد مصطفایک روح پاکنه مرسولدر. بتون رحمت
 و مغفرت و رضوان مولا: آل و اصحاب رسول کبریایه و آنلرک اثری اوزره
 کیدن امت محمد مرحومه محمدیه موصولدر.

★

ای طالب! معلومک اولسون که: سیر الی الله؛ سالکک اسمای الهی بدن مبدأ
 تعینی، حقیقتی، عین ثابتہ سی، مربیسی اولان اسم خاصک (دائرۀ ولایت
 صغیراده متعین) ظلمنه وصولندن عبارتدر، سیر فی الله ده؛ اسمک بو ظلمک (دائرۀ
 ولایت کبراده ثابت) اصلنده سیرندن کنایتدر. بوسیر فی الله: اسماء و صفاتندن،
 اعتبارات و شئونندن مجرد، ذات حقہ قدر ممتد و منتهی اولور.

سالک؛ کندی حقیقتی، مربیسی اولان اسم خاص الهینک ظلمنده و اصلنده؛
 ذاتی اعتبارات و شئونتنده علی التفصیل سیر الیه حضرت ذاتہ وصول
 بی کیفی حاصل ایدرک ظلاً و اصلاً؛ اعتباراً و شأناً واصل الی الله اولور سه
 دیگر غیر متناهی اسماء و صفاتی؛ آنلرک اعتبارات و شئونات ذاتیه سنی اجمالاً
 طی ایلک صورتیله ده ذات بی نہاییه (بر وارث تام و اکمل محمدینک
 دولت وراثت و تبعیتند، محبت ذاتیه ک قوۀ قاهره و جاذبه سیله) وصول حاصل
 ایدہ بیلیر. فقط: بو امر صعب و عظیمات وقوعی محمدی المشرب اولانلر
 میاننده نادر اتنددر.

★

لیکن سیر فی اللہ بر اسم و صفت دیگر اسما و صفاتی متضمن ؛ اسما و صفات حقہ نہایت غیر متصور ؛ ہر بینک یوں دن آری آری سیر تفصیلی الہ ذات خدایہ وصول ممکنسز اولدیندن، یولی اسما و صفاتک سیر تفصیلیسنہ دوشن ؛ جاذبہ محبت ذاتیہ الہ سیر اجمالی و مرادیہ مظهر اولیان بتون اولیای عارفین (السیرفی اللہ لاینقطع أبداً بدین) دیہرک اصول اسما و صفاتہ سیرک نہایتہ ایردیریلہ میہ جکنی سویلہ مشلر ؛ ذات حقہ وصولی پردہ صفاتہ بولمشلر ؛ مقام اصلہ صفاتک، حجاب ذات اولدینغنی بلہ مہ مشلر ؛ اسما و صفات، اعتبارات و شئونات اضافاتلرندن مجرد اولان حق تعالیٰ یہ وصول ذاتی بی محال عد ایتشلردر. فی الواقع سوزلرینک بو اعتبارلہ صدقی ثابتدر ..

شو احوالہ نظر آ : اسمک مسما سندن آری ؛ صفاتک موصوفندن غیری اولماسنہ مبنی پردہ صفاتدن متجلی ذاتدن مرادلری ، مرتبہ و جوب ذاتی اولقی لازمدر. زیرا ؛ بو مرتبہ مقدسہ جامع جمیع اسما و صفاتدر. آنکچون صوفیہ عظام بو مقام وجوبہ احدیت مجردہ ذاتیہ دیمشلردر . عندلرندہ حضرت ذات ایچون بشقہ بر مقام فوق و فوق الفوق یوقدر.

★

ای صادق! اینی بیلکه: سادات نقشبندیہ عندندہ مباحوث، مسما و جوب ذاتیدن مراد، ذات بحت و احدیت دکلدر . او سیر فی اللہ، سیر الی اللہدہ داخلدر . بویلہ اولمازسہ حضرت ذاتہ وصول تحقق ایدمز . زیرا : بو اکابر عندندہ سیر الی اللہ تعبیرندہ کی (اللہ) اسمک مسما سی ذات بحت احدیتدر. بو تقدیردہ سیر نقطہ نہایت النہایہدہ متصور اولہماز ؛ نقطہ نہایت النہایہ و وصولدن صوکرہ بلا توقف عالمہ رجوع تحقق ایدرکہ : اکا سیر عن اللہ، باللہ دیرلر . حالبوکی: ذکر ی کچن و مصطلح قوم اولان سیر فی اللہدہ بو حقیقتلرک حصولی ممکنسزدر. چونکہ بو قومک دیگر ساداتی عندندہ سیر فی اللہک انقطاع و انتہاسی یوقدر .

*

اگر حضرت ذاتن مراد؛ مرتبه ذات بحت اولورسه که: جمیع اسماء و صفاتدن، نسب و اعتباراتدن مجرددر. بو مرتبه مقدسیه وصول بی کیف حصولی ظلاً و اصلاً، اعتباراً و شأناً جمیع مراتب اسمائیه و صفاتیہ نک قطع و طیندن صوکره متصوردر. ایسته: سادات جلیله نقشبندیہ نک ذات بختدن، احدیت مجرد ذاتیہ دن مرادلری بو مقام علیا و منزله قصوادر...

*

بو مقامده ذات باری، غنای ذاتیسی اعتباریله صفاتی اولان حضور و غیبتدن تجلی و ظهوردن منزله؛ بو کبی نسبتلر و اضافتلردن مقدسدر. بو مرتبه علیاده آنحق، یا جهل و یا حیرت و یا خود معرفت واردرکه: بونلرده صوفیه نک مصطلحی اولان معرفت افعال و صفات و ذات دکلدر. زیرا او مقام اقدسک معرفتی، مذکور معرفتلری خرق ایدیجیدر. بیلوب آکلایانه آرادده نه قدر بیوک فرق واردر...

*

مرتبه احدیت مجرد ذاتیہ ده سیر قدمی یوقدر. فقط: سیر نظری منع بیورلماشدر. بوده: وجود موهوب ذات صاحبی اولان واصل کامل ایچون حضرت ذات کبی بی کیف و کیفیتدر... بو موضوع چوق بیوک و نازک اولدیغندن آکا ایمان ایتک اللهدن بیوک بر فضل و توفیقدر...

*

ای عاشق! یوقاریده مذکور معارف و حقایقک ممکن مرتبه و ضوح حاصل ایده بیللمسی ایچون ایضاحات آتیہ نی درست آکلامغه قطعی احتیاج واردر: معلوم اولمیدرکه: بنده کی لطیفه لرك اصللری؛ (عرش اعلا دن باشلایه رق) علی الدرجات عالم امرده، عالم ارواحده، عالم ملکوتده در. بنده کی لطیفه لر، بو اصللرک ظللریدر. عالم امرده کی اصول لطائفک اصللریده ولایت صغرا

دائرہ سندہ متعین اسماء و صفات اللہ ظلالیدر . بو ظلالک اصولی ده ولایت کبرا
دائرہ سندہ ثابت اسماء و صفات اللہک اصلیدر .

★

بو دائرہ ده ؛ یعنی اصول صفات دائرہ سندہ صفات اللہ : اضافیه ، حقیقیه ،
حقیقیه صرفه اوله رق مراتبه منقسمدرکه : بو اصول اسماء و صفات (لا هو
ولا غیره) جمله سنک ناطق اولدینی معنا وجهله حضرت ذاتک نه عینی در ،
نده غیری در . ذاتدن اصلا انفکاکلری یوقدر . بو اعتبارله مقام اصلده
صفات اللہ ، ذات اللہک حجابی اولمازلر . عینی زمانده بونلر حضرت ذات اوزره
وجود زائد ایله خارجده موجوددرلر .

مراتب و درجات مذکوریه بناءً صفات اللہ : اصل ، اصل خاص ، اصل
الاصل نامنی آلیرلر . یوقاریده اشارت ایدلدیکی اوزره عامه کبار صوفیه جه
اصل الاصلک مافوقی ذات بحت ، احدیت مجردّه ذاتیه در . سادات نقشبندیه ایسه :
بو مقام فوقه اعتبارات و شئونات ذاتیه مرتبه سی دیرلر .

چونکه ؛ بو اکابر عندنده ذات اوزره زائد وجود ایله خارجده موجود
اولان اصول صفاتک مافوقی : مرتبه احدیت مجردّه ذاتیه دکل ، بلکه : ذات
اوزره زائد وجود ایله خارجده موجود اولمیان ، و فقط ذاتده مجرد نسبت
و اعتبار اولان (شئونات ذاتیه) در . شئونات ذاتیه نکده بعینها اصول ثلاثه
صفاتیه کی یکدیگرینه نسبتله (و هر صفته اصل و حقیقت اولمق اعتباریله)
مراتب و درجات کثیره سی واردر . شئونات ذاتیه نک اصول صفاته نسبتی ،
اصلک ظله نسبتیدر . شئونات ذاتیه نک منشئی ، اصلی و حقیقتیده : اسماء و صفاتدن ؛
ذاتی اعتبارات و شئوناتدن مجرد اولان ذات بحت و احدیت مجردده در .

★

ایشته ، ذات بحت و صرف ، احدیت مجردّه ذاتیه و محضه مقامی ، حقیقتده

بو مقامدر . کالات نبوت مرتبهسندن ناشی اولان حقیقت تجلی ذاتی ، بو مقامدن واقع تجلیدر . بو تجلی بو مقامه واصل کملین ایچون دائمی و سرمدی اولور . یاد داشت ، حضور بی غیبت، وصل عریان دنیلان کمال و حقیقت بو منزله علیانک واصلیننه خاص ومنحصردر . وصول بی کیفی ذاتی ده مبدأ حقیقت، (حجب نورانیة اسمائیة و صفاتیة نک اعتبارات و شئونات ذاتیه نک منحرق اولدینی مقام جلیل الشان) بو مرتبهدر . یوقاریده مذکور حقیقت جهل و حیرت و معرفت ذاتیه نک تحقق ایلدیکی کالده بو مقامده تحقق پذیردر .

★

بعد الانبیاء والمرسلین بتون عالمده افضل، اعلم، أعرف، اعظم، اکمل جمیع بشر اولان صدیق اکبر حضرتلرینک (العجز عن درک الادراک ادراک والبعث عن ذات الله اشراک) کلمات قدسیه سیله ذات اللهدن بحث اشراک اولدیغنی بیلدیردیکی مقام علیاده بو مقامدر .

امام العالمین، سلطان الانبیاء والمرسلین حضرتلرینک (اللهم زدنی تحیراً فیک) بیوردینی مقام حیرت ذاتیه دخی بو مقام عالیدر . حق تعالی نک حبیب اکرمنه (و قل رب زدنی علماً) آتی ایله ازادیادینک طلبنی تبلیغ وتعلیم ایلدیکی علمده، بو مقام أجل ذاتی نک جهل و حیرتی، عام و معرفتیدر...

★

دقت: بو مقام ذاتی ده علم ذاتی، وصول ذاتی، معرفت ذاتیه تعبیرلرینک استعمالی بشقه درلو افاده مرا، تفهیم مقام قابل اوله مامق ضرورتنه مبنیدر . حالبوکه بو مقامک واصلیننده علم، وصل، عرفان، ايقان، جهل، حیرت ذات باریدن معطی ، وجود موهوب ذات ایله آکلاشیلا بیایر . بر معنادر ؛ بی کیف و کیفیتدر... ایشته ؛ معرفت ذاتیه، معاملات ذاتیه بو خصیصه موهوبه ذاتیه ایله اولور . بو حقیقت و اسرار آتیکله متحقق اولمیانلردن بشقه لرینک آکلامسی امکانسزدر... نظر آ وعلماً آکلاشلمسی قابل اولان طرزی،

بروجه بالا سطورہ نقل ایدیلندر . بوده ارباب علم و نظر ایچون (تسلیم شرطیلہ) چوق عزیز و نافع بر علم و عرفان تشکیل ایلیہ جکدر . حول وقوت ، توفیق و عنایت اللہندر .

★

طریقت جلیلہ صدیقہ نقشبندیہ سالک ایچون تعیین ایدیلاں قبلہ توجہ ، ابتداءً و انتہاءً احدیت مجردہ ذاتیہ الہیہدر . کلمہ طیبہ توحیدک رکن نفی ایلہ بتون ماسوای ذات احدیت نفی ایدیلیر . رکن اثباتیلہده ذات بحت احدیت اثبات اولنور .

★

کړک نفی و کړک اثبات ، بدایت خالده صورت ، نہایت کارده حقیقت اعتباریلہدر . توجہی صورت و یا حقیقتاً بو مقام علیایہ توجہیہ موفق اولمق ، بر فضل عظیم الہیہدر . بو امر عزیز الوجود بر وارث تام و اکمل محمدیہ نسبت و اتباعسز میسر دکلدور .

★

محبت ذاتیہ نک قوہ قاهرہ انجذابی ایلہ ذات بحت احدیتہ متوجہ اولانلرک انظارینہ اسما و صفات ، اعتبارات و شئونات کمر . اکر بونلر منظور و ملحوظ اولور ایسہ ، سالک ، ذات احدیتہ توجہ ایتمش اولماز ، بلکہ ، اسم و صفتہ ، یاخود اعتبار و شئونہ توجہ ایتمش اولورکہ : بو حال ساداتمترک معتبری دکلدور ... شو اجمالندہ معاملات ذاتیہ ایلہ معاملات اسمائیہ و صفاتیہ اربابنک کیفیت حال و شغلیرینی ، رتبہ مزیت و فضیلتیرینی علماً و نظراً آ کلامق ممکندر ...

★

ای سالک ! یوقریدہ مذکور مقاماتدن ہرہانکی مقامدہ بولمان سالکاردن صاحب کشف عیانی اولانلر ، مافوق مقامک ظہور و شہودینی ، ظہور ذاتی .

تجلیات ذاتیه ظن ایدر لر . فوقه ترقی ایلینجه مکشوفلرینک ظهورات
 و تجلیات ظلیه یا خود اصلیه اولدیغنی آکلار لر . فقط، بو دفعه ده صوک مشهود
 اولان مرتبه یه ، مرتبه ذات و یا ظهور ذاتی حکمنی ویر لر . بو حال بالاده
 مذکور (أحدیت ذاتیه) مرتبه علیاسنک ظهور و تجلیسنه قدر وجه مذکور
 اوزره بر دوام اولور . بو امور، منزله اقدام سالکاندنر . بعض سالکک
 دائرة وجوبه انتقالدن مقدم، عالم آمرده، عالم ارواحده، دائرة امکانک مقامات
 مختلفه سنده ظهور و انکشاف روحی یی ، لطائفک شععه ظهوراتی بیله
 ظهورات الهیه ظن ایتدکری واقع اولشد روحانیتک
 ولطفه لک ظهور نورانیلری و آنلرک علی احاطه سیرانلری ، ظلال اسما
 وصفات حقک ظهوراتی اولیه بر شععه وعظمت و سطوت وقوتی حائر درک:
 آکا انکشاف تام حالنده شاهد اولوب بیهوش قاله رق اشتباهات مذکوره یه
 معروض اولور لر . لکن فضل حقله متصل فوقه ترقی ایدر کن بو اشتباهات
 بر طرفدن ورود ایلر، دیگر طرفدنه زائل و بر طرف اولور لر و هر برینی فرق
 و تمیز و معرفت، لطف و سعادتیه مشرف قیلنور لر . بو امر، سالکک ایچون
 غایت بیوک الطاف ربانیه دن معدوددر .

★

سیر الی الله و سیر فی الله هده کی بو حاک و شهود کک ظلاً و کک اصلاً ذات
 بارینک ظلال و یا اصول اسما و صفاتک اعتبارات و شئونات ذاتیه سنک
 تجلیسندن بشقه بر شی اولمادیغندن هیچ برینه باطل دنیه مز . چونکه :
 هبیبی حق تعالیدن ناشی و حق تعالی یه راجعدر .

★

مقامات سلو کده دائرة امکان طی و قطعنی تعقیماً بو صورتله ظلالدن اصوله
 اصولدن شئونه، شئوندن ذاته سیر و انتقال، منهاج قربانی و شاهراه وصول

ربانی در . مقامات سیر و سلو کده ترقی و تکامل سنت و عادت بیله جاری و دائر در ... هیچ بر سالک دائره امکانی قطع ایتمدن دائره وجوبه و دائره وجوبک ظلال و اصول و شئوننی طی ایتمدن مرتبه ذاته وصول حاصل ایده من . عکسی تقدیرده مافوق بر مقامک ظهورینه شاهد اولسه تحمل ایده میهرک وجود بشریسی محو و متلاشی اولور . آنکچون : حالات مذکوره محض رحمت و کرم الهی در .

★

سلو کده سرعت و بطائت؛ سالکک مایه فطرت و استعدادینه، طلب و توجه و اجتهاده کی عزم و قوتنه، مربینک درجه کمال و قدرتنه تابع بر مسئله در . اولیه کاملر واردر که : بدایت امرده طالبک وجود و انایت موهومه سنی قیر ورق آنی شاهراه عبادت و عبودیته قور ، وجود و انایت لوئنک غیر قابل تطهیر برشی اولدیغنی آکلادهرق آکا عبدیت ذوقنی اذاقه ایلر؛ زرق ایتمدیکی معارف صحیحه و نافع ایلر امور مستحسنه و مستقیمه بی تقدیر و تمیز ایتمک قدرت و معرفتنی بخش و افاضه ایلیه رک شاهراه ترقیده خبری اولادن برقی سرعتله ترقیسنی تأمین قیلار ، محبت ذاتیه دلالت و بو دولتک ظهورینه همت بذل ایدرک قیلر توجهنی ذات احدیت مجرد قیلوب سوی الذات اولان نظر و التفاتی محو ایلر . ایشته ، بو امورک هر بری اکمل الکملیندن ماعداسنک تبعیتنده اولانلر ایچون عصر لرجه مستمر ریاضات و مجاهدات ایلر نادر آلدیه ایدیلور شیلر در . هر شیئه قادر اولان ذات أجل و اعلا در ...

★

بوراده مهم برجهت واردر . اوده صاحب کشف عیانی اولمیان سالکک رک ظلی ، اصلی ظهور آتی ذاتی ظهورات ظن اتمکدن مصون اولهرق ذات احدیت حقه توجهه موفقیته و عدم موفقیته کیفیت در . کشف عیانی صاحبی اولان بر زمره سالکان؛ مرشدک دلالت و تعلیمیه اکتفا ایدرک (ذات حقه من جهت

لروحانیه متوجه اولدقلرینه اطمئنان و تیقن حاصل ایلرلر. بویقین واطمئنانی حاصل ایدنجه هر تورلو شك، ظنون و اشتباهات مذکوردهن وارسته بولنورلر. حضرت ذاتی من حیث الکنه ظهورات ظلیه واصلیه و شئونیةك فوقی؛ کیف یکم ایله ظهور و تعیندن معرا بیلهرک مقام تنزیه و تقدیسك الحجاب ایتدیردیکی ایمان الغیب ایله قیامده ثبات کوسترلر. آنلرك بوحالی تام اتباع
و تسلیحیتی حائر اولقی شرطیله ظهورات و تجلیات امکانیه و وجوبیه شاهدلرینك درجه لرندن فرقلی اولارق بر طاقم سبب توقف و تدنی اولان کشف و مشاهدهك اشتباهات مضره و موهومه سندن مصون و معرادر. بو حال، فطرتی کالات نبوتدن نصیب اخذینه مساعد اولانلرك احوال و اوصافندن معدوددر.

★

مع ذلک؛ مرشد کامل و مربیء فاضل تصرفات روحانیه سیله بعنایت الله سالک کرده ظهور ایده بیله جک هر فناقلریمی بر طرف ایلر؛ سالکک اسباب توقفاتنی قدرت ارشادیه سیله دفع و ازاله بیورد؛ هر خطر و تهلیکینی ورودندن اول باذن الله رفع و ازاله قیلار. فقط بو صفت و کالده اولان مرشد ائندردر، وجودی کبریت احمردن أعزدر.

★

ذات احدیت مجرده یه قدر اولان مقامات امکانیه و وجوبیه دن هر بیرینك یکدیگرینه نسبتی، ظلك اصله نسبتی در. هر شنیدن غنی اولان ذات اجل و اعلا؛ اصل کل، ملاذ جمله در. ذات بحت اقدسك حد و نهایتی قدر، هر قید و اضافتدن استغنائی مطلق صاحبی در..

★

اکسیر علوم و معرفت:

ای عارف! اسما و صفاتی آکلامقی بدرجه یه قدر قولایدرد؛ فقط اعتبارات

و شئون ذاتیهی آکلامق مشکلدرد . حتی اکابر اولیادن چوغی اعتبارات و شئون ذاتیهنک بارقه عظیمه حالنده که سطوت و شعشعه ظهوری، ظهورات ذات بیامشلدرد . بوظهورات و تجلیاته تجلی ذاتی دیمشلدرد . صفات ایله ذات بیننده اولان، صفات الهات اصول و حقایقی تشکیل ایدن اعتبارات و شئون ذاتیهی فرق و تمیز اهلی پک اندر ظهور ایشدر .

اصول صفاتدن صکره واقع تجلی ذاتک تجلیسی دکل؛ شئون ذاتدن برشآنک ظهور تجلیسیدرد . ذات منجلی اولونجه دائمی و سرمدی اولورد . برقیته تلویضات شان صفاتدر . ایشته بز بوراده ، بو مسائل نازکه و غامضیهی، علمی و نظری بر صورتده (مثال حسی ایرادی ایله مشعور اولارق) تفهیمه چالیشه جغز ؛ بو صورتله بیوک و نافع بر علم و عرفان تعلیم ایتمس اولاجغز .

★

جمله مزجه معلومدر که هیمزک برر جهت روحانیتی، برر جهت جسمانیتی، تعبیر دیکرله افاده ایدرسهک برر ظاهری، برر باطنی؛ عینی زمانده بر طاقم اسم و صفاتلری واردرد . جسمانیتک مخلوقیت و موجودیتی، روحانیتک مخلوقیت و موجودیتندن صوکره اولوب روحانیت دها اول ، کرک وجود و قیامنده و کرک ذاتنده بولنان صفاتلرینک ثبوت و قیامنده جسمانیتته محتاج دکادر . لیکن : جسمانیت کرک مخلوقیت و موجودیتنده و کرک ثبات و قیامنده کندی اصل حقیقی اولان روحانیتته محتاجدر . حتی روحانیت ، مخلوق و موجود اولماسیدی، جسمانیتک مخلوقیت و موجودیتی محال اولوردی .

★

حقیقت أمر بویه اولونجه : بز ایکی جهت تشکیل ایدن انسانیتمیزی اولاً و سائط و آلات جسمانیتمزله بیلیرز؛ بو آلات و وسائل جسمانیتمز،

جسممزه ، وجودمزه تعبیه ایدلمش اولان صفات خاصه ، حواس ظاهره و باطنه مزله، نور عقل و ادراکمزدرد.

★

بزم جسمانیتمزه وجودمزد روحانی کمالتمزك محل صدور و ظهوری، اسم و صفتلریمزك اصل اولی، تعبیه ایدلمش قلعہ سی، اساسیدر؛ بالذات خارجه موجوددر. بو وجودده تعبیه ایدلمش اولان بتون صفتلریمز دخی (کندیلرینك اصل أقدمی، محل استناد و ثبوت و قیامی اولان وجودمزله برابر) خارجه موجودلردرد.

★

ایشته: بتون صفتلریمز؛ کندیلری ایچون أم، اصل، اساس موجودیت اولان صفت وجودمزله معاً روحانیتمز، و ذاتمز، حقیقتمز اوزرینه زائددر. چونکی: بو هیکل وجود و جسمك وارلغنی استلزام ایدن موجودیت، روحانیتمز، ذاتمز، حقیقتمزدر. بو حقیقتی ظاهر کوزیله کورمك قابل دکلدر...

★

جسمانیتمزه وجودمزو آکا تعبیه ایدیان وجود ذهنی و عینی به مالک اسم و صفتلریمز، روحانیت و حقیقتمزك عینی اولدیغنی، بو روحانیت و حقیقتك ایسه وجودمزدن اسم و صفتلریمزدن غیری اولارق اولوردن انفکاك تصور ایدیه مدیکی ایچون (اهل سنت والجماعت ائمه متبوعینی و بتون ائمه صوفیین) ذاته، صفتك نه عینی نه ده غیری دیملر، هر ایکی جماعتده عنایت حقله: نفوذ نظر، فراست صحیحہ علمیه؛ کشف صریح، الهام صحیح ایله محض حق اولان بو أموری آکلامغه و کورمکه موفق اولملردرد.

★

بوکا کوره روح جسمدن، جسم روحدن، صورت حقیقتدن، حقیقت صورتدن، ظاهر باطندن، باطن ظاهر دن بشقه در. بونلره یکدیگرینک عینی یاخود یکدیگرندن غیری دیمه نك بویوک بر خطا وضالات تشکیل ایده جکندن هیچ بر کیمسه ترده معروض اولماز؛ عکس حال قصور نظر و فکر دن نشئت ایلر.

★

ایمدی، روحمزه، حقیقتمزه بالذات و بالقوه موجود اولان، و فقط جسممزه و جسممزه کی صفاتلر کی وجود خارجیسی بولنیلان کالات صفاتیه نك ذاته کی معنای موجودیتنه اعتبارات و شئونات ذاتیه دیرلر. بونلرک [وجود، کوز، قولاق و لسانمز کی] خارجده وجودلری یوقدر. ذاته مجرد نسبت و اعتباراتدر. بو اعتبارات و شئونات ذاتیه اسما و صفاتمزک حقیقتلری، اصللریدر. . . . شئونات و اعتبارات ذاتیه مزک وجود و شوقی ده عین ذات و محض حقیقتمز ایله در. بو حقیقت ذاتیه و محضه و صرفه مزی، کنه و حقیقتی ایله موضوع بحث آلات و وسائط و حواسمزله، معرفته امکان یوقدر.

★

آنجق بو معرفت، ذات حقیقتمزدن مستفاد و مفاض اولان بر وجود موهورب خاص الحاض حقیقت ایله ممکندر. آنک بو معرفت ذاتیه سی ده کندیسی کی بی کیف و بی کیفیت اولور.

★

ایشته اسما و صفاتدن، ذاتی اعتبارات و شئوناتدن مجرد اولان ذات اجل و اعلانک اسما و صفاتی؛ ذاتی اعتبارات و شئوناتی؛ احدیت مجرد و حقیقت ذاتیه سی بومثال حسییه شبهدر. . . . تشبیهده خطا بولماز، مشبه، مشبه بهک، مثال تمثیل ایدیلان شیئک عینی اولماز. بو کی تلقی و معنالدن چکنمک لازمدر.

ختم